

'Dr. Mahathir tinggalkan sebuah kapal yang baik'

UM 2 1 OCT 2003

BANGKOK 20 Okt.— Bakal Perdana Menteri, Datuk Seri Abdullah Ahmad Badawi mampu melaksanakan tugas-tugasnya jauh lebih baik daripada tanggapan orang ramai mengenai kebolehannya, kata Perdana Menteri Singapura, Goh Chok Tong.

"(Perdana Menteri Datuk Seri Dr. Mahathir Mohamad) sedang meninggalkan sebuah kapal yang baik dengan para pegawai yang berkemampuan dengan enjin kapal tersebut berfungsi dengan amat lancar.

"Oleh itu, bakal pengganti beliau sepatutnya mampu meneruskannya tanpa mengalami banyak masalah," Chok Tong dipe-

tik hari ini sebagai berka-ta dalam wawancara dengan akhbar *Bangkok Post*.

Menurut Chok Tong, beliau merasa yakin dan tidak bimbang mengenai peralihan kepemimpinan politik Malaysia yang akan berlaku hujung bulan ini.

Mengenai kepemimpinan ASEAN, katanya, Perdana Menteri Thailand, Thaksin Shinawatra akan menjadi pemimpin utama pertubuhan serantau itu berikutan persaraan Dr. Mahathir.

Chok Tong berkata, dengan perubahan kepemimpinan politik yang berlaku di Malaysia dan Singapura, Thaksin akan muncul sebagai salah seorang tokoh ASEAN paling penting.

negaranya," kata Chok Tong sebelum sidang kemuncak Kerjasama Ekonomi Asia Pasifik (APEC) bermula hari ini.

"Malaysia akan mempunyai seorang perdana menteri baru dan Singapura memperoleh seorang pemimpin baru dalam tempoh setahun atau dua tahun lagi.

Memandu

"Itulah sebab mengapa saya berpendapat seorang tokoh yang boleh memandu ASEAN ialah Thaksin.

"Beliau menyedari kepentingan integrasi Thailand dengan negara-negara anggota ASEAN... bagi mewujudkan satu pasaran lebih besar dan membantu

Thailand menjadi sebuah negara maju," katanya.

"Thaksin ialah seorang pemimpin berwawasan dan mempunyai hala tuju.

"Atas alasan itulah yang menyebabkan mengapa saya menyatakan Thailand boleh menjadi pemimpin di rantau ini."

Chok Tong juga melahirkan keyakinan mengenai masa depan ekonomi rantau ini bagi tahun depan dengan menyatakan Amerika Syarikat (AS) masih mengekalkan dasar-dasar fizikal, kewangan dan mata wang yang akan menghasilkan pertumbuhan ekonomi berterusan. — AFP

"Pada peringkat ini, Thailand mempunyai perdana menteri yang merasa yakin terhadap diri dan